

Մեծ մասը փախչում են դէպի աջ:

ՁԱՅՆԵՐ.- (Աջից) Գա՛լիս է, գալի՛ս է...

Շփոթութիւն: Մի մասը փախչում է դէպի ձախ, միւսը՝ աջ, երրորդը՝ դիմացի կողմը:

ՆԱԶԱՐ.- Բը՛, բը՛, բը՛... (Փախչում է դէպի դիմացի կողմը:)

ԴԻՍԱՑ ՓԱԽՉՈՂՆԵՐ.- (Ետ վազելով) Ես կողմից է գալիս:

ՆԱԶԱՐ.- (Ետ է փախչում դէպի աջ) Բը՛, բը՛, բը՛...

ԱՋԻՑ ՓԱԽՉՈՂՆԵՐ.- (Ետ վազելով) Ես կողմից է գալիս,

ՆԱԶԱՐ.- (Ետ է փախչում դէպի ձախ) բը՛, բը՛, բը՛... (Դուրս է վազում, բոլորն ընկնում են Նազարի հետեւից: Նազարը ներս է ընկնում դէմից, վազում դէպի աջ եւ ապա դուրս վազելով՝ ներս է մտնում դէմից:)

ՁԱՅՆԵՐ.- Եկա՛ւ, եկա՛ւ...

ԹԱՄԱԴԱ.- Նազարի՛ն առաջ գցեցէք: Նազարի՛ն առաջ գցեցէք: (Բոլորը թաքնւում են Նազարի թիկունքում):

ՎԱԳՐԸ.- (Երեւում է աջից: Նազարին հրում են վագրի վրայ, եւ իրենք փախչում են դէպի ձախ: Նազարը սարսափից եւ շփոթութիւնից մնում է տեղում սառած: Ապա հանկարծ մագլցում է ծառի վրայ: Վագրը գալիս է մտնում նոյն ծառի տակ եւ կանգնում թփերի մէջ:)

ՁԱՅՆԵՐ.- (Հեռուից) Փախէ՛ք, փախէ՛ք... (Լռութիւն:)

ՆԱԶԱՐ.- (Ծամաձուռ ձայնով, սարսափահար) Ամա՛նա՛ն Վագրը կաղկանձում է: Նազարը սարսափով նայում է վագրին եւ դողում: Յանկարծ վայր է ընկնում ծառից ուղիղ վագրի մէջքին եւ, սարսափից հեծնելով վրան, պիտի կաչում է գազանի մէջքից: Վագրը վախենում է եւ, ցատկելով տեղից, սկսում է փախչել՝ Նազարին մէջքին առած:

ԹԱՄԱԴԱ.- (Դիմաց, մուտքի մօտ, դէպի դուրս) Ա՛յ տղա, հասէ՛ք, վագրին բռնե՛լ է, վագրին բռնե՛լ...

ՁԱՅՆԵՐ.- Գալի՛ս ենք, գալի՛ս...

ԹԱՄԱԴԱ.- (Դէպի ձախ) Պի՛նդ բռնի, Զաջ Նազար, պիտի բռնի: (Գիւղացիներին՝ դէպի աջ) Յասե՛ք, զարկե՛ք: Վագրը ներս է մտնում ձախից՝ Նազարը վրան: Գիւղացիք հետեւում են վագրին թահերով, փայտերով ու քարերով. շրջապատում են վագրին եւ ամեն կողմից հարուածելով սպանում են նրան: Նազարը սարսափից իրեն կորցրած դեռ նստած է վագրի մէջքին: Լռութիւն:

ՄԻ ՁԱՅՆ.- Ուշքը վրան չի:

ՈՒՐԻԾ ՉԱՅՆ.- Սո՛ւս կացէք... Թունդ է չարացած: